



Broj: 05/2-50-13-28-53/13
Sarajevo 26.07.2013. godine

ZAPISNIK

53. sjednice Odbora za žalbe građana Parlamentarne skupštine Bosne i Hercegovine, održane 25.07.2013. godine

Pedesettreću sjednicu Odbora za žalbe građana Parlamentarne skupštine BiH sazvaio je Mate Miletić – predsjednik Odbora.

Sjednici Odbora, u svojstvu članova, prisustvovali su: Borislav Radić, Danica Berić i Marijan Milićević, te Aida Kreho – sekretar Odbora za žalbe građana Parlamentarne skupštine Bosne i Hercegovine.

Sjednici, iz opravdanih razloga, nisu prisustvovali: Hamida Karčić, Ermin Pešto i Amela Bašić.

Sjednici su, također, prisustvovali Rasim Ređo i Ivan Mišetić iz Granične policije BiH.

Sjednica je počela u 13:30 sati.

Nakon što je konstatirano da postoji kvorum i prije nego se pristupilo glasanju o Prijedlogu dnevnog reda, predsjednik Odbora je upoznao članove Odbora da su od dana zakazivanja sjednice do trenutka njenog održavanja pristigli izvještaji po još dvije žalbe, te je predloženo da se i o njima odlučuje pod tačkom 2. U skladu s tim, predložen je sljedeći

DNEVNI RED

1. Usvajanje zapisnika 52. sjednice Odbora za žalbe građana;
2. Razmatranje predstavki dostavljenih od Granične policije BiH, izvjestioci:
 - a) Mate Miletić (*broj žalbe: 17-06-34-7-1055/13*);
 - b) Marijan Milićević (*broj žalbe: 17-06-34-7-1400/13*);
 - c) Borislav Radić (*broj žalbe: 17-06-34-7-1768/13, broj žalbe: 17-06-34-7-1639/13*)

3. Tekuća pitanja

Dnevni red je jednoglasno usvojen.

Ad.1. Usvajanje zapisnika 52. sjednice Odbora za žalbe građana

Na prijedlog zapisnika sa 52. sjednice Odbora za žalbe građana članovi Odbora nisu imali primjedbi, te je zapisnik jednoglasno usvojen.

Ad.2. Razmatranje predstavki dostavljenih od Granične policije BiH, izvjestioci:

- a) Mate Miletić (*broj žalbe: 17-06-34-7-1055/13*);
- b) Marijan Milićević (*broj žalbe: 17-06-34-7-1400/13*);

c) Borislav Radić (broj žalbe: 17-06-34-7-1768/13, broj žalbe: 17-06-34-7-1639/13)

Mate Miletić određen je, kao izvjestilac, za žalbu broj: 17-06-34-7-1055/13. Nakon prezentiranja sadržaja žalbe, te nakon što je predstavnik nadležne policijske agencije dao kratka pojašnjenja u vezi sa slučajem, članovi Odbora jednoglasno su prihvatili Izvještaj Granične policije u kojem je žalba ocijenjena kao neosnovana.

Marijan Milićević je određen za izvjestioca za žalbu broj: 17-06-34-7-1400/13. Nakon prezentiranja sadržaja žalbe i Izvještaja Granične policije BiH, u kojem se navodi da je žalba neosnovana, članovi Odbora jednoglasno su ga prihvatili, uz zaključak da je predstavka obrađena detaljno, te da su poduzete sve mjere u skladu sa zakonom.

Borislav Radić je određen za izvjestioca za žalbu broj: 17-06-34-7-1768/13. Nakon što je izvjestilac predstavio sadržaj žalbe i izvještaja po žalbi, članovi Odbora su pristupili diskusiji i postavili dodatna pitanja nadležnom predstavniku Granične policije BiH. Nakon rasprave, u kojoj je zaključeno da je predstavka obrađena detaljno i pedantno, članovi Odbora prihvatili su Izvještaj Granične policije BiH, po kojem je žalba ocijenjena kao djelimično osnovana. Također, obzirom da je u svojstvu izvjestioca zadužen i za žalbu broj: 17-06-34-7-1639/13, g. Radić je prezentirao i njen sadržaj, te sadržaj Izvještaja Granične policije BiH, po kojem je žalba ocijenjena kao neosnovana. Nakon što je predstavnik nadležne agencije odgovorio na sva postavljena pitanja, članovi Odbora su jednoglasno prihvatili Izvještaj Granične policije BiH po predmetnoj žalbi.

Ad.3. Tekuća pitanja

Rasprava o ovoj tački Dnevnog reda nije vođena.

Sjednica Odbora za žalbe građana završena je u 14 sati.

Sekretar
Odbora za žalbe građana
Aida Kreho

Predsjednik
Odbora za žalbe građana
Mate Miletić